

山谷老人刀筆

十



山谷老人刀筆卷第二十九

荆渚

荅蘇黃門

啓去遠門墻積有歲月棄捐漂沒不當行李修敬無階唯深瞻仰謹具狀月日某狀

又

頓首流落七年蒙恩東歸至荊州病幾死失一弟一妹及亡弟二子早衰氣索非復昔時人也性本踈懶鞭策不前以是未嘗得附動靜忽奉十二月二十四日所賜教存問鄭重伏審憂患之餘台候安健開慰無量端明二丈人物之冠冕道德文章足以增九鼎之重不謂遂至於此何勝殄瘁之悲况手足之情平生師友之地荼毒判割之懷何可堪忍柰何柰何所賴諸子皆有所立而李子文學幾於斯人之不亡也某病起荒廢恐不能辦事欲引去而未敢太平遂請義當一往來年夏秋間若病不再作尚可祈見無階承教臨書懷仰

又

伏承端明二丈竈爰有期天下失此偉人可勝實涕石刻得三文論撰無憾矣不審幾時得刻石記誰書丹若未有人不肖輒欲託名其上若自有人即已矣萬一不用不肖書則用家弟尚質所篆蓋別託一相知人名可也某三兩日即拏舟下巴陵出陸至雙井六日爾至即令家弟書篆携至荆渚



二月末可復來也小子相娶石諒奉議之女夢寐  
記感激感激

荅李端叔 **三首**

頓首別來兩辱書荷恩恤終始不渝方其與魑魅  
爲群切伏草間不忘歎息所以不作書者往歲奉  
九書而不報公猶不愠在棄捐中宜相貸也奉十  
二月二十四日手誨不怒而加勤乃知德人之度  
耆艾而更愈深也又知不恤乖迂在官事事此雅  
所風期於左右者更願守心如城守口如餅耳某  
多病早衰百事不堪向者蒙恩遂便郡之請冬後  
乃差捷遂不敢再請宮祠三兩日暫到雙井二月  
末復到荊州乃趨太平前此計尚得修問春寒千

萬珍重

又

得書數幅開闔累日想見傲倪萬物之容承官暇  
每從蘇黃門引領欽歎何時預此清集不肖鬚鬢  
已白十八九短髮幾不可會最求田問舍頗有之  
亦未能如意爾小兒娶婦尚未得孫女子今已三  
生矣知命二男三女似有可望者三女一已嫁真  
仲亦咄咄逼人耳元明在萍鄉甚安亦有吏能聲  
樸作虔州獄官監司亦知稱渠恪而解事然非在  
黔戎時語也老來懶作文但傳得東坡及少游嶺  
外文時一微吟清風颯然頌同味者難得爾

又

數日來驟暖瑞香水仙紅梅皆開明窓淨室花氣  
撩人似少年時都下夢也但多病之餘懶作詩爾  
公比來亦游戲翰墨間耶或傳陳穰常病且死豈  
有是乎比得荊州一詩人高荷極有筆力使之凌  
厲中州恐不減晁張恨公未識爾方叔安否

與徐甥師川

某拜手辱書審涉夏以來同呂新婦侍奉八姊郡  
君萬福諸兒女無恙甚慰懷想承瑩中便向吳中  
失此淵對何能不悵然老舅六月九日領太平事  
十七日奉朝旨送吏部即日解舟至江口以嗣文  
同行遂爲遠別亦大風不可行留連方欲訣去會  
駒父奉其大母來又爲之留七日閏月十一日分  
手亦衝東風至蕪湖矣吏部告示作初任通判人  
陞一季名次指射優便差遣三兩日間亦謾投一  
狀也將家到荆南謀居居定或從容玉泉鬼谷之  
間以須闕耳相望似不遠無因會固神往形留千  
萬珍重十三日某頓首

又

見邸報承已除鄧州簽判想是所干乞但不知尚  
待闕否駒父才器不凡但未周於世事九娘甚競  
爽諸兒皆渾厚有外家風氣其中必有可望者某  
雖貧然將家向荊州亦粗爲餬口之計不至狼狽  
也砥柱銘寫去盛暑異於常年煩倦都無筆意小  
詩時有之未去故郡尚苦人事未能手抄他日因

書可時寄亦少思不工耳

荅王周彥

奉別來無日不思念四月到荊州五月七月兩大  
病皆幾死幸復濟耳而荊州親舊多無日不來百  
事廢闕以是絕不能通書太守所遣二卒來時方  
大病辱賜教勤懇又賻恤之荷不倦之意承太夫  
人尊躰康強何慰如之太守賢明留意李校公平  
時以所聞推之鄉里後進者今有所申此亦可樂  
某大病之餘瘦繭幾不堪事乞得便郡甚如所欲  
一到鄉里以小兒未練事寓家沙市不能使人無  
耿耿因循留滯至今所欲李記欲下筆者屢矣輒  
爲賓客撓擾又不成病來精神未復不能如昔時  
談笑中可成文字也二卒遠客久煎迫欲行亦人  
情也故且遣回舟中行無賓客事度可成成即求  
便奉寄矣撥忙作書不能萬一千萬爲親自重

又

變故不常承莊叔教源相繼指館可勝嘆惋公手  
足之義至厚仁及宗黨當此何可忍割柰何柰何  
莊叔之子旣官游居喪亦可教以詩書計可無憾  
不審教源有子否亦可教耶斌老不幸爲痛惜之  
累月其親及兄弟之情可知矣何幸知其爲佳士  
但相遠監司輩非深知雖已言之恐未能有所益  
耳元帥惠書及珠子黃甚荷渠雖遠不忘之意但  
以病起不能多書且爲道謝之定國得洛作似少

德意亦得渠秋末書

又

東坡先生遂捐館舍豈獨賢士大夫悲痛不能已  
所謂人之云亡邦國殄瘁者也可惜可惜立朝堂  
堂危言讜論切於事理豈復有之然有自 常州  
來者云見東坡病亟時索沐浴改朝服談笑而化  
其胸中固無憾矣所惜子由不得一見又未得一  
還鄉社使後生瞻望此堂堂爾欲作詩文道此意  
亦未能成秦少游沒於藤州傳得自作祭文挽詞  
可為霄涕如此竒才今世亦不復有矣

又

所寄詩文反覆讀之如對談笑也意所主張甚近  
古人但其波瀾枝葉不若古人爾意亦是讀建安  
作者之詩與淵明子美所作未入神爾見東坡書  
黃子思詩卷後論陶謝詩鍾王書極有理嘗見之  
否孫伯遠善論文章之病而嚴君可長於下筆公  
能致二士館之當有得耳

又

伏蒙垂意於學舍振數十年因循墮事之敝廟享  
崇成一新士民之耳目可謂知本之政不素食之  
効甚感甚感今日士大夫能者救過而全不能者  
偷安以待滿如公禮邑中賢能教士民以孝或曠  
一道所無也如某之不肖病弃廢事日就衰朽恨  
未得承餘論求少益耳曠仰懷仰

與王雍提奉

頓首數日苦食他家食作病稍自將節得小愈又苦賓客寢訛不得自便眼花頭眩而兩癩兵煎迫如火不欲久留之今日偶意思小佳且寫得數篇遣回大槩佛法與論語周易意旨不遠論語大旨不過遷善改過不自覆藏故君子坦蕩蕩入太廟每事問知之爲知之不知爲不知天地同根萬物同一氣故曰吾無行而不與二三子者是丘也易曰神而明之存乎其人苟非其人道不虛行但諦審諦觀當如何是其人莫認只令弄影戲漢若識得人萬事成辦元不欠少此窻日欲落來人請行不能一一道所欲言千万珍重

荅王觀復

頓首卧病二十餘日幾死者數矣今定不死但氣劣體瘠四五分人耳忽奉手誨歡喜如從天上落也小女所苦不過是瀉痢但用藥投去積便安矣雖休息五色皆易愈耳略垂訪解衣相語少時却往治病書此已倦甚草

又

頓首病中忽得相見歡喜不言而喻兩日車馬之音聞然方切咏思辱教慰釋無量詩句穩實殊進於舊欽愛欽愛土宜之惠過當感愧感愧承明發見訪治餘奉俟同盤半夏謾及之耳

又



頓首兩三辱手畢坐報應人事晨出夜歸不能作  
荅風日小冷不審起居安否置飯元約不定日得  
暇即去何呼喚叮嚀如此遂敗幽尋之意來日或  
雇戶部不見訪即同興上座奉謁但作一椽蓋不  
拓油醬熱煮菜以侑飯此安樂法也其餘俗物不  
用登盤矣

又

頓首辱手誨存問勤懇審躰力輕安為慰二篇皆  
佳作也欽嘆欽嘆惠楚人之食群兒殊喜殊喜老  
眼昏花草草

又

頓首奉別回舟乃復惘然蓋好李知言之士或千  
中得一所以相遇不能不欣然相失不能不悵然  
耳風雨不靜想行舟三日亦得泊松滋閣中又諸  
少皆佳否元操書納上見興公言公乃欲得舊紙  
扇今封上十柄餘須他日便風也十月十九夜漏  
下三刻

閣中孫文懿之孫思道亦是族兄思道 即其外  
生張協之婦翁相見頓致老舅之意

荅向和卿簽判

白簡

頓首昨日方裝瓶又值客辱手誨不能即上荅棟  
揚旦來風慘不審起居何如伏想王事雖勤勞退  
食不廢文字自有以樂之惠示寄少魏佳句疾讀  
數過氣味甚不九惟是推獎過當極非小醜所敢

當之矣寄鄒松滋三篇謾抄呈不足報貺也因出行縣道塗乃可讀書不肖往時作葉縣尉一月率二十日在馬上然用此時讀得前後漢最熟至今得力也暫別不勝馳情千萬珍重

又

再拜昨日幸獲瞻對且來清寒伏想起居清勝建溪數品行縣疲困恐或頽耳

又

手啓伏奉手畢承行縣還道塗安隱眠食不爽調護良慰懷仰佳句惠賜伏讀欽歎謹勒手狀道謝許垂顧敬拂榻奉候

與峽守

與公同出於江西又當官仁者之里先公舊出於侍郎之門士契臭味實不踈遠相聞顧見久矣隨官南比無參對之幸比承出官夷陵謂當道出荆州可一占望又此相失惟有嚮往春寒即日不審何如伏惟仁厚德民下車未幾已聞美政之譽相望一舍懷仰不已伏惟爲國自重謹勒手狀

與聞善二兄

再拜父聞晦甫伯父負天下大名志不遂而捐館於道常恨不見其子孫今乃得識面又見家集慰釋無量比蒙不以衰疾未得參候先垂屈碩既深歡喜繼以悚惕二三日間私問少間即請左右謹勒手狀

與黃頰徒

再拜宗子之禮廢同姓之子孫數世之後遂爲路  
人切嘗深悲之舊聞先君緒言長沙一族初亦零  
替聞有晦甫者儒孝里行所推宗恨未相識及不  
肖游茅在淮南則聞閩漕以侍御史召名動京師  
矣衰宗墜緒猶當敦睦况賢者之子孫乎今日相  
見歡慰無已重煩尊誨棟搗謹動手狀

與頰之八舅

頓首百憂衰疾之餘天末會面且悲且喜恨車馬  
暫來即去不得款別後日新之孝耳夜來本欲蠲  
致病軀奉爲寫遣經堂字旣承誨諭來日未定成  
行故到家即就卧耳朝文寫得并草書篇送十一  
推官所可乎度只費一莊夫耳來日果上道千萬  
珍護八姑縣君不果拜別婦婢輩恨不曾一請得  
魚軒蚤臨耳

與通叟姨夫

頓首累日多故不能參候惟有馳情承風雷頗驚  
逆旅喜承牀中安健天地大逆旅也人寓其間瞬  
息耳此逆旅尚足驚耶

與范德孺龍圖

且來伏想台候萬福嘗蒙重諾有幾可以過鉢來  
日欲以蒸鵝盤兔具早膳敢邀丞一臨保安書院  
否貴者湯餅之類如法耳可即早爇轎奉迎昨日  
幸奉餘論而忘疲爾今日又似小勝耳

與王全州

盤石廟碑中有誤失一兮字可令摹工取一兮字大小相似者充入字既差大篆額如此乃相當然二書皆下工顏魯公所謂取其字大可久不復計其工拙者也

與歐陽元老

頓首辱書勤懇審事物膠膠而無位真人常閑常樂甚慰懷仰李仲良遂不起渠白髮之親何以爲懷李康又在數千里外非元老調護之便不得理所也多日欲遣人往致奠而賓客紛紛不能得少暇故稽緩如此殊非本心也公既落魄於官游俟春上道亦佳衝冒寒雪而行竟何爲哉其旣留滯至今往往爲兒輩作文乃行繼此可時修問臨紙懷想千萬珍重

二

東坡遺文得之甚慰已付濟川姪抄抄了即遣上前承携觀復手抄一冊去若抄了煩因便送示近詩與公已錄上矣端彥得音問否前惠清秤館制作雖不爽古法然米太碎是一病須要篩米令粒粒相似乃爲之陶隱居所叙亦如此承是達夫家作殆未如古法又人家作餅多不篩去細米不知篩下者作羔自不爲失耳端彥相見爲問訊千萬想寡欲易足少求易供久住賓主各得所也鄂渚漢陽間山水極佳不知端彥能來否達夫萬福相

自文章丁大難不能再至服舍負負無已奉手疏  
伏承創鉅痛深孝履又持實慰懷仰示喻得諸友  
之言深自懲艾甚善甚善古之持喪須言而後行  
者乃言渴於百日而黑其裘晏然以是從人耶公  
有高明之資故敢言耳舟以解來人索書極草草  
二  
舊時一詩辱蘇公賞音亦何能稱提獎之意承見  
索不已故謾寫去甚點污此江南紙也可留齋几  
不必刻之西山

又

別來三得書皆勤懇曲折而不肖曾不得以一字  
通左右雖出於老懶不解事而亦以公荼毒累年  
思念深矣蓋無所事此耳前亦以文潛之銘既詳  
書又其言不朽之言也亦遲遲於作表今則不暇  
作矣其文則已畢他日可成斯事居喪哀疚自悔  
事生之有不至而痛自癩割日月如過隙矣此所  
以厚行敦本里中之士取法焉其竄宜州已治行  
略通此道別臨書惘然十一月十七日

又

辱書恩勤千萬惠建溪名品嶺南所難得荷捲捲  
不忘之意某治行已有緒既嫁女則無一事移舟  
漢陽留數日待親識之在旁近矣未緣瞻近臨書  
增懷千萬珍護孝履十一月二十七日

又

辱書畢審待奉万福為慰來日欲無風即解去又  
未能亡西山公若欲作主人但就西山置一鉢切  
不須為具臨時把酒家中可草具也

與劉温如

再拜頃者道出荆渚獲聞日新之論殊慰久別懷  
仰之心抱被接宿辱知辱愛恩同兄弟副所短闕  
無所顧惜感刻之情未易一二言也別來不能嗣  
音想道室宴安不妄監寐即日不審斡力如何漸  
得道友否珠公雖多機智能探討此道極有根葉  
觀諸人錯用心者多也歐陽元老才器不在人下

山谷老人刀筆卷第十九

山谷老人刀筆卷第二十

離荆渚至宜州

答李幾仲

頓首昨從東來道出清湘八桂之間每見壁間題字以其枝葉占其本根以爲是必磊落人也問姓名於士大夫與足下游舊者皆曰是少年而老氣有餘者也如是已逾年恨未識足下面耳今者乃蒙賜教稱述古今而歸重於不肖又以平生得意之文章傾困倒廩見畀而不吝秋日樓臺万事不到肯吹吹以木末之風照以海濱之月而詠歌呻吟足下之句實有以澗褻懷而增高明也幸甚某少孤窘於衣食又有弟妹婚嫁之責雖蚤知從先生長者李問而偏親白髮不得已而從仕故少之日得李之功十五而從仕之日得李之功十三所以褻懷不進至今落諸公之後也切觀足下天資超邁上有親以爲之依歸旁有兄弟以爲之飲助春秋未三十耳目聰明若刻意於德義經術所至當不止此耳非敢謂足下今日所有不足以豪於衆賢之間但爲未及古人故爲足下惜此日力耳天難於生才而才者須李問琢磨以就晚成之器其不能者則不得歸怨於天也世實須才而才者未必用君子未嘗以世不用而廢李問其自廢惟則不得歸怨於世也凡爲足下道者皆在中朝時聞天下長者之言也足下以爲然當繼此有進於

左右秋熱雖未艾伏惟侍奉吉慶龍水風土比湖  
南更熱老人多病眩奉書草草唯為親為己自重  
七月二十五日某再拜

與胥彥回朝請

不肖雖託懿親之末從來不淺而音問不相往來  
十五年于茲矣昨捨舟登陸來省伯氏於萍鄉道  
出節下謂當有參承之便乃適使事遠向嶺表郡  
中裴回甚懷仰也昨日歸驥聞歸軒之音歡慰無  
量伏惟衝冒風雨道塗良勤少就寢息起居安樂  
太夫人萬福日享甘旨之奉熙慶熙慶某更四五  
日即發此瞻望伊邇何慰知之

又

伏奉手誨審尊依安健太夫人萬福良慰馳情專  
祝厨醞敬佩嘉德某來日可到城即詣賓次昨在  
郡中既承使節在遠亦不敢遣人承問太夫人然  
聞耆年耳目聰明飲食如壯者奉助歡喜也今者  
到城即當參省双井今年舍弟遣人送一斤許分  
上數兩恐可為老兒一煎也某江州之役般挈舍  
弟一房同行勢湏十五來人邑中亦辦數至三百  
里矣恐郡中有買公用人可到江州得兩人幸甚  
或難得亦不固求自可雇人行耳

又

道出貴郡喜於承教伏蒙敦叙親親之義甚厚遠  
速忽復改月何勝懷仰夏暑曠濁不審何如伏惟



太夫人寢膳萬福府中清明事簡不廢溫清甘旨  
之職退而宴閑吉慶所會區區方抵高安幸無它  
方遠談席伏初為道自重

又一

夏氣煩煥不審尊候何如伏惟太夫人寢膳安宜  
貴眷皆萬福前因萍鄉人上狀當以通徹尤右某  
區區幸已達九江舟陸賤類皆無恙方阻瞻承懷  
仰無已

萍鄉伯氏蒙盛德之庇深厚矣惟府中每追決人  
為患不細因會議從容道其曲折或幸垂照耳前  
承留紙卷道中寫得附萍鄉手力回不審徹几下

否

與知縣

頓首在黔州時嘗辱惠書勤懇見故人萬里之意  
氣逐之迹不敢累親友故例不作書想能相照也  
知當以十五日交印想下車忠厚之意已決百里  
寢食之味有神相之某道出筠袁之間望貴部密  
邇不能瞻望臨書馳情尚冀為民自重三月日

又

區區憂患之餘多病早衰惟是公家父兄恩親之  
義益勤而不倦又得以小姪相託於積善之門何  
幸如之適以赴官稽緩老兄弟欲歎曲相見不得  
少迂路一奉謁亦恐公乍到方為糾紛之緒未可

從容耳然懷想甚勤也蔡夙家姑之子家姑無恙夙亦勤孝畏慎不敢有所請但欲知姓名耳到萍鄉別上狀

與農汚染院一首

頃辱去年臨發桂府書荷勤懇不忘之意所寄勲師處錫益十酒皆不至兒子報柳和父所帶十酒亦不至必是和父道中飲盡此所謂八佾舞於庭但可突耳即日想湖南春寒起居健否貴聚至長沙安樂鄴侯有子否比來客况何如因書垂諭某既遷入城中亦隨事安帖也殊未卜會面之期臨紙惘然唯千萬珍重以忠孝為宗前對光寵

又

比來幸旅食無他但春初便大熱或恐作瘴癘耳奉煩指揮幹者為買人參附子批諭其直幸甚見秦處度為乞佳墨一九携來者已盡已封書志說也

與唐次公一首

宿來伏想起居輕安奉煩致意許子温有南鵬砂乞六錢作一藥子温既盡日不在家公亦跽悶幸早過此同熱膾炙雞羹羹也今日小漕行子温須熱睡補數日勞頓也

又

奉手教審宿醒未蘇亦良苦耶但勿早食至申後思食乃奉筋則食美四體輕安矣晚能出過此來

幸甚

又

早來起居健否肯來同素飯幸早命駕有笋輦亦略似有肉味也夜來爲公書得一卷頗有功少時亦與小許寫卷子也早來旣大雨又聞千騎奉謁必料來日亦不成行耳

與崔供奉

久聞好事畜奇書異物之聲恨未相識假道貴州乃有參對之幸何慰如之小舟旅鎖不能作公狀謹勤手啓承動靜

荅伯舟父

厚手誨勤懇審居奉寢膳安吉爲慰貴字蓋取諸易之渙卦巽爲風爲木故風行水上渙又曰利涉大川乘木有功也乘木涉川而有功者舟也故以舟爲字伯仲叔季別兄弟也父與甫同男子之通稱也如周之程伯休甫樊仲父也如仲尼亦字仲尼父人或稱仲尼或稱尼父也近世劉敞字仲原父敞字叔貢父亦用此制恐悉故具之

與曾公卷

某頓首晚來辱書勤懇感刻感刻比日殘暑伏惟起居住福衡陽待庭日收寧問示江城書事二解清麗雅正嘆詠不能去口欲便和去以久不作詩蓋井溢不食矣老稚荷調護之父母諸子無雜賓客一意從學皆公卷之賜今城北相去差遠老懷頗

以爲念也二百星知已送相處如所戒未敢遽以  
書謝丞相因家問先及懇懇幸甚已令分百星來  
宜恐前日滇上之傳不虛耳然列禦寇所謂營州  
之西猶營州也鍾乳何時弄成前所惠草伏四神  
初夏腹疾和中丸四兩服之頗得益示諭南方不  
宜服金石藥荷公卷情眷周盡公卷疽根在旁乃  
不可服某服之如晴雲在川谷間安得有霹靂火  
也如何嶺南秋暑殊未解此書到零陵已搖落矣  
千萬爲器業珍重

與人  


公書字已佳但疑是單鉤肘臂著紙故尚有拘局  
不敢浪意態耳但精視法帖中王獻之書當得之  
大槩書字指法如快馬斫陣草法欲左規右矩此  
古人妙處

又

鐙檠雖荷副所之夜來試用觀書殊不愜老眼此  
乃照歌舞之器耳欲煩指揮別作一枝高七寸盤  
闊六寸足是鴈足不須受蓋圈徑二寸半醜面三  
寸著柄醜旁作小圈如釵股屈之鴈足鐙漢宣帝  
上林中鐙制度極佳至今士大夫家有之古者鐙  
醜皆有短柄沈約四聲云鐙醜柄曲是也

與人  
勿思齊

頓首到城雖得一叅候而屢出軒蓋常恨客衆不  
得從容相語奉別忽七八日見所與伯氏書審比

來日用輕安良慰懷想遺杖謾煩求之乃承岳意  
搜索必獲又以公移將之禮數過當悚惕惕短  
頌戲奉一笑可與仰山崇勝觀之恣雨不晴意思  
昏純奉狀草率四月初七日

與人三首

甲子雷雨深慰民望乃尊公清淨憂民之應欽嘆  
欽嘆暑氣未解計復作大雨當了此下種揀秧事  
爾

又

今日極熱南樓亦揮汗深念夜中不可卧也使宅  
有涼處否惠荔子甘好但比丁香一品不韵耳

又

丁巳卷三

七

今日南樓差涼亦減昏寢荷岳問也方苦樵渴水  
飲不能有功得枝上乾荔子渙然水釋矣

東坡詩千變萬化恨家中所有散在諸姪處不得  
使公盡見也紙軸煩調護極可人意

與馮才叔梳宜十首

廣僧自柱林回得賢郎書蒙岳問勤重審涉冬寒  
尊候万福開慰無量閑居碌<sub>二</sub>泊沒市井及不能  
修敬惟自懷仰何日不勤新師計住道詔便昇來  
監司又有迎新送舊之勞亦良勤耶未緣瞻奉伏  
祈為道自重

又

相望數舍往來能道動靜一慰馳情竄逐之亦亦

欲省事以此或經時闕於修問惟是傾仰之心何  
日不勤失氣寒暄不審尊候何如伏惟慕府宴閑  
寢膳安宜叅候無期臨書耿々伏祈自壽

又

平時想左右之心未嘗不動而筆墨不在眼前又  
無經過之便亦恐士大夫之常情畏竄逐之音問  
至前故極簡闊比時有親舊求書至門下輒候動  
靜之敬推君子有常度不以前踈後數為黷也盛  
暑可畏又歸衆聚新城之中人氣鬱蒸於養生之  
理倍費調持不審寢膳勝常否令嗣計安勝某今  
年來氣血差勝去年亦賴名藥禪補衰殘幸無它  
也未緣擔望馳情無已伏祈自重以俟陞擢

一七二卷二

八

又

前王紫堂入府因附手記當已通左右盛暑更欲  
不可堪不審尊候何如幕府宴閑時有清集否周  
通叟去後誰數相從也二壻想時得安問苟活於  
此幸無疾苦但暑月城中湫溢難居又畏一翻糜  
費也未卜叅承引領深勤項所苦風氣當漸清脫  
吉人神所相勞更新祈以煮湯針艾自衛

又

昨兩奉狀承起居計皆徹几格否暑雨煩鬱不審  
即日尊候何如想令嗣進李不輟二婿常得安問  
伯氏猶未得歸到長沙書不能不念也比若暴下  
累日至不能飲食幸今日小佳耳未緣瞻望仰懷

室勤伏祈自重

二

中軍按兵至至口不審旌旆同行否宜融柳皆闕  
雨暑者不能下種賴自淮以東大稔耳王秉來告  
欲之大府望得一差遣優便才叔幸少垂意人家  
子弟終自護措或可委以自耳

又

比王秉往桂州嘗奉狀當已通徹几下即日大暑  
可畏不審尊候何如令嗣孝有日進之功否貴眷  
皆康寧否某衰朽多病又今歲大熱幾不可過幸  
數日雨足米價稍平亦與魑魅共樂時豐耳伯氏  
元明得長沙書所措射差遣皆參差所欲得者多

乃卷三十一

九

限年又不可得或且還南豐也永州兩月不得書計  
須候送茶人來耳叅承未卜惟有懷仰伏祈自重

二

聞大旆出按西融不審旌旆叅幕否方此畏暑道  
途亦良勤宜州人袁端居處與並鄰有幹事才欲  
軍前一効其能然聞此行但興懷遠軍城若耳如  
此則用人不多此人云但得達姓名於帥府它日  
或聽驅使耳其人能否固不逃於冰鑑之前也

三

邵普義用心耿介喜讀書與人終始不獨嶺南  
士大夫中難得也方欲達名姓以補麾下之闕聞  
諸幕府已有湔被用之者甚喜慰也河池久不得

人若邵君一振其弊實察遠照微之賜率易冒聞於大府所患不得人耳

又

頃頻奉起居之敬不審皆得徹几下否承軒蓋從中軍之麾在懷遠伏想帷幄樽俎折冲千里動靜勝裕普義邵侍禁自軍前回辱朋酒之貺甚副所乏承賢郎亦從于邁盛暑居新城中亦啻耶其夏來幸頑健伯氏已之南豐永州見姪輩近得安閑未獲瞻承惟有懷仰伏祈善眠食自重

答李彥明知縣四首

頓首到瘴鄉多病老孀未能作書先蒙存問敬佩嘉德承豈弟近民邑庭少訟時與朋友游會于批

刀筆卷二十

十

把陰中兩兒蒙益多矣兩孺子極煩差人取送更伏彥明時提撕令稍嚴乃佳耳不肖雖與魑魅為羣亦極有生理具家書及公養書中病起來未完復作書不能如禮時知察爾庚伏益熱千萬為民自重

又

蒙書勤重承邑中之政豈弟而敏民已信服可得吝以及友朋稍涼起居清康何慰如之不審比來閭中安和不須匿藥否阮髯李館想益就緒兩兒每煩遣白直取送感愧感愧相悅不練事每蒙教詔誘掖之為賜厚矣愚溪之約非所敢望但佩服不忘之意有如前所惠紙更得百幅幸甚秋高氣



清想時有嘉集夢寐奉對也願加重以須陞擢

又

辱書賜勤重審聞動靜之詳為慰賤累久寓貴部蒙調護之賜深矣又兒姪每得聞長者之言伯氏遠來亦蒙借之羽翼此非一二可道也豈弟之政又律之以公清之威名所信伏想邑庭常虛閑也阮君李舍計亦成綸緒但憂其不嚴則諸兒獲益不多耳前乞紙謾爾及之不固求也伯氏至止所謂蓬藿桂宇猩鼯同徑而凡弟親戚警效其側者也唯承教之日未卜臨書懷仰千萬珍重

又

前蒙惠書勤懇并寄佳帑敬佩不忘之意紙兒輩

拜書卷二十

二

絨藏不謹道中為兩所敗然此帑品高兩黠班更益其古氣未嘗妄用也骨肉久寓貴部陰被忠厚之蔭多矣未知所以為報也會合之期渺然臨書增倩千萬珍重

荅佛海瑞公

將家熟到圓通始知東林已有主人方欲作牋問如何遂奉修敬何慰如之來早過山門冀幸瞻對所將人從多不欲久留飯罷即過盆浦也謹勤手狀

荅棲賢和尚

將手誨存問勤懈并損惠伊蒲珍饌雖荷眷與之惠然俗人虛受但施但曾愧尔山寒伏惟道周輕

安千萬珍重謹奉狀

峇法鏡仙老

雅聞公才器超卓求之士大夫中未易得之獨恨未相識耳去春在雲岩已治萍鄉之行自朝至夕賓客衮衮雖承惠教勤重不能作峇既行以道路未有煖穩之地以至今耳所以不果通書之意想照悉有餘矣專人辱書勤懇千方乃知水邊林下風期不隔固不以俗人相望也尚阻瞻承臨書傾倒千萬珍重

峇長沙崇寧平老

昨日淹留長沙每得雍容道室唯是賓客紛勞費主人又罕得奉清談耳別來何日不懷想道遠難得便風音記闕然如此士來辱書勤懇承已作崇寧主人想見開堂盛集遠取欣慶耳寄茶候惠此方幾不與秦塞通人烟石磴亦無但於曰子中杵茶煎飲耳所喜春芽極嫩再見漢官儀也相見死期千萬珍重

二

貴院既作萬壽崇寧諸事一新亦不許闖葺葦安下道衆雍肅靜人如雲想何子玉尋處度時來破妙鉢耳汝用既罷長沙聞作運旬是否開福北禪龍興東明道林嶽麓鹿苑相見皆為致千萬意化主須到砂監款曲方士人作書津挽去不肖昨到宜州以道中冒熱飲冷病滯二三卜行既又作暴

下亦半月餘方少安今幸復完矣宵內寓永州亦時得書承見聞一二具之

又

昨日如化主遣莊夫回奉書當已徹几格即日秋候微涼想日用輕安道衆雍肅堂頭賓客不至喧闕否家兄約八月間自長沙至零陵度今已到想見否何于玉來碾建溪妙勝乎秦處度遂不成歸淮南安得居否院中嚴奉新恩叟有所興作否如有此時相見化道頗行也未卜瞻對千萬珍重

刀筆卷二

二

山谷老人刀筆卷第二十終




蘓黃尺牘雖有刻本然未見全豹適在肆中見山谷刀筆而遺缺甚多因適覓抄錄之

完本亦一快也

大啓二年花朝石齋老人識





圖書在版編目(CIP)數據

山谷老人刀筆〔宋〕黃庭堅撰.—北京:北京圖書館出版社,2005.12

(中華再造善本)

ISBN 7-5013-3013-1

I. 山… II. 黃… III. 書信集—中國—北宋  
IV. I264.41

中國版本圖書館CIP數據核字(2005)第136362號

ISBN 7-5013-3013-1



9 787501 330133 >

書名 山谷老人刀筆(全十冊)  
著者 〔宋〕黃庭堅 撰

出版 北京圖書館出版社(100034 北京市西城區文津街七號)  
發行 Tel:(010)66151313 Fax:(010)66174391

E-mail: Bstxb@nlc.gov.cn

Website: www.nlcpress.com

造紙 華寶齋

印刷 杭州富陽古籍印刷廠

開本 八

印張 五九·二五

版次 二〇〇五年十二月第一版第一次印刷

印數 一·一〇〇〇

書號 ISBN 7-5013-3013-1 / K·1290

定價 一九〇〇圓

